



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Romæ, M. DCC. XIX.**

Casus II. Argumentum. Ecclesia Parochialis de Jurepatronatus collapsa, si
reædisicari non possit, est transferenda ad Ecclesiam Matricem, seu
viciniorem, & si tarctu temporis de novo reædisicetur, an ...

[urn:nbn:de:hbz:466:1-72172](#)

ARGUMENTUM.

Ecclesia Parochialis de Jurepatronatus collapsa, si reædificari non possit, est transferenda ad Ecclesiam Matricem, seu vicinorem; & si tractu temporis de novo reædificetur, an sit reportanda ad locum antiquum?

SUMMARIUM.

- 1 Ecclesia Parochialis de Jurepatronatus collapsa, si nullatenus reædificari possit, validè transfertur ad Ecclesiam Matricem, seu vicinorem.
- 2 Refertur resolutio S. Congregationis Concilii in Spoletana Parochialitatis 22. Junii 1686., & 26. Febr. 1695.
- 3 Ecclesia Parochialis collapsa, seu Parochialitas translata ad Ecclesiam vicinorem ab hac removeri, & reportari ad locum antiquum non potest. Amplia, ut n.8.
- 4 Parochus curam Animarum, exercere, ac residere tenetur in sua Ecclesia Parochiali, & in domo Parochiali, & non alibi, ut n.5. & 10.
- 5 Ecclesia diruta, & prophanata amittit consecrationem, & omnia jura Ecclesiae.
- 7 Ecclesia reædificata in situ, ubi antiqua collapsa permanebat, non dicitur antiqua, sed nova Ecclesia.
- 9 Translatio subrogat Ecclesiam novam antiquæ in omnibus ejus iuribus, qualitatibus, & prærogativis.
- 10 In dicta Spoletana Parochialitatis die 16. Novembris 1715. fuit receffum à decis.

C A S U S II.

PÆnitus collapsa à Terræmotu Ecclesia Parochiali A de Jurepatronatus existente in Cacumine Montis, ad quam tempore præsertim hic mali difficilis erat accessus, cum ipsa refici nequiret ob ejus reddituum insufficientiam, & inopiam Patroni, ac Parochianorum; fuit translatæ de consensu Rectoris, & omnium interesse habentium ad Ecclesiam simplicem B in planicie collocatam, ubi totus fe-

Pars V.

rè Populus curæ morabatur. Tractu temporis reperta in quadam parte muri ejusdem Ecclesiae collapsæ B. Virginis Icone, ex continuis oblationibus, & eleemosynis Fidelium fuit ibi reædificata nova Ecclesia, cum Domo satis commoda pro Cappellano, cum eleemosynis collectis stipendiato; Modernus Parochus aeris amænitate, & salubritate, ac oblationum dulcedine allectus removere intendit Ecclesiam Parochialem, ab Ecclesia simplici B, & illam reportare ad Ecclesiam in culmine Montis de novo ædificatam; quæritur proindè.

Primo. An translatio dictæ Ecclesie Parochialis collapsæ ad Ecclesiam simplicem B sustineatur.

Secundo. An eadem Ecclesia Parochialis sit reportanda ad locum antiquum, seu ad Ecclesiam noviter ædificatam.

- 1 Quod attinet ad primum, pro validitate translationis venit respondendum; Ecclesia namque Parochialis A à Terræmotu funditus ferè collapsa; ob ejus Patroni, ac Parochianorum inopiam, & paupertatem reædificari non poterat; validè igitur ab Episcopo, ejus Parochialitas, seu cura Animarum translata fuit ad Ecclesiam simplicem B vicinorem, cum Ecclesia Parochialis, quando nullo modo reparari, ac refici valeat, sit demolienda, prophananda, ibique Crux erigenda, & ad Matricem, seu vicinorem Ecclesiam transferenda, juxta litteralem dispositionem hujus Canonis quam sequuntur Amostaz de Caus. piis tom.2. lib.5. cap6. n.64. Pignattell. consult.60. num.19. tom.8. Sperell. decis. 67. n. 14. Ventrigl. in prax. par.2. annot. 18. §. unic. n.27. & seq. Barbos. de Paroch. par.1. cap.13. n.11. & de offic. & potest. Episcopi par.3. alleg. 64. num.19., & juxta sensum S. Congregationis Concilii in Aquilana unionis, seu translationis Parochialium 9. Aprilis 1712., ubi binis Ecclesiis Parochialibus à Terræmotu collapsis, cum ob tenuitatem reddituum singularum Ecclesiarum; & ob notam Parochianorum paupertatem, unaquæque earum refici non valuerit, fuit permissa earumdem unio, & translatio ad Ecclesiam ex communibus redditibus de novo erigendam.
- 2 Quod verò spectat ad secundum dubium videtur dicendum, quod dicta Ec-

N cle-

clesia Parochialis, seu Parochialitas translata ad Ecclesiam simplicem B sit reportanda ad locum antiquum, sive ad Ecclesiam noviter ædificatam; ita namque de cism fuit à S. Congregatione Concilii in Spoletana Parochialitatis 22. Junii 1686. & 26. Februar. 1695., ubi collapsa Ecclesia Parochiali sub invocatione S. Michaelis Archangeli in culmine Montis apud Villam Lapidiam existente, fuit ejus Parochialitas translata ad Ecclesiam confraternitatis S. Bernardini; Quoniam verò fidelibus concurrentibus ad B. Virginis Iconem in antiqua Parochiali depictam cum abundantí eleemosynarum copia, ædificium præmemoratæ Ecclesiæ S. Michaelis decore instauratum, & mansiones contiguæ decenter constructæ fuerunt; prætensionem Parochus excitavit super jure exercendi animarum curam in Ecclesia noviter ædificata, atque habitandi domum annexam; cui S. Congregatio rescripsit Competere Parochio jus exercendi curam Animarum, cæterasque functiones Parochiales in dicta Ecclesia S. Michaelis Archangeli restaurata, ac habitandi, domum contiguum, illiusque commoditate fruendi, non obstante concordia inita inter Parochum, & Parochianos die 4. Junii 1689. ministrandi Sacraenta functionesque Ecclesiasticas explendi in Ecclesia S. Bernardini.

- 3 At hoc non obstante censeo dicendum Parochialitatem dictæ Ecclesiæ Parochialis A collapsæ removeri non posse ab Ecclesia B, eamque reportari ad Ecclesiam noviter ædificatam; quoniam Parochus tenet residere, & functiones Parochiales peragere, nec non curam animarum exercere in sua Ecclesia Parochiali, qualis est Ecclesia B, ad quam cura Animarum, & Parochialitas translata fuit; ibique continuata per multi temporis spatium ad Text. in cap. 2. de Paroch. & cap. 1. ad audientiam de Eccles. ædific. Barbos. de Paroch. cap. 11. n. 3. & cap. 12. n. 10. Monacell. formul. Eccles. par. 2. tit. 13. formul. 1. n. 68. & par. 1. tit. 12. form. 7. num. 10. Ac residere tenetur in Domo propriæ Ecclesiæ Parochialis, non autem alibi juxta Fagnan. in cap. extirpanda §. Si verò n. 12. & seqq. de præben. Garz. de benef. par. 3. cap. 2. num. 179. Barbos. de Paroch. par. 1. cap. 8. n. 1. & seqq.

Non obstat Ecclesiam A fuisse antiquam Parochialem, quia in præsentiarum non est amplius Parochialis, sed Ecclesia simplex. Tum quia fuit diruta, & profanata, quo casu amisit consecrationem, & omnia jura Ecclesiæ ad Text. in Can. proposuisti de consecr. Eccles. Abb. in cap. 2. n. 5. de nov. oper. nunc. Et licet post detectam Imaginem Beatissimæ Virginis in muro Ecclesiæ dirutæ, nova à fundamentis exstructa fuit Ecclesia ex Eleemosynis, tamen hæc non dicitur antiqua Ecclesia, quæ profanata remansit, sed nova, non obstante, quod ædificium factum fuerit in situ, ubi antiqua Ecclesia permanebat, ut tradunt Abb. in d. cap. 2. n. 5. de nov. oper. nunc. ibique Innoc. n. 2. Jo. Andr. n. 3. Pignattell. consult. 39. n. 1. tom. 10.

- 7 8 Tum etiam quia cura Animarum fuit translata à dicta Ecclesia A, ad Ecclesiam B, ubi totus Populus Curæ habitat non provisionaliter, & ad tempus; quo casu esset locus reportationi Parochialitatis ad Ecclesiam antiquam, sed perpetuò propter impossibilitatem reædificationis ejusdem Ecclesiæ provenientem ob ejus Patroni, ac Parochianorum inopia, propter commoditatem, & necessitatem Populi, & ad hujus instantiam; dum antiqua Ecclesia Parochialis erat incommoda Populo, ut potè posita in cacumine montis, ad quam tempore hyemali difficilis erat Parochianis accessus, & incommode erat Parocho descendere à Monte ad deferendum Viaticum, & assistendum infirmis: Quæ translatio Curæ fuit in multorum annorum spatio observata; Quo casu prima Ecclesia remanet simplex, nec potest amplius ibi exerceri Cura, & reponi Parochialitas ad merum arbitrium Parochi virtute translationis, 9 quæ subrogat Ecclesiam novam antiquæ in omnibus ejus iuribus qualitatibus, & prærogativis juxta Gloff. in Can. ex hoc diximus verb. destructa 16. q. 7. Text. in Can. tribus de consecr. dist. 1. Rebuff. in prax. benef. tit. de translat. Episc. num. 11. 16. & 19. Rot. coram Seraph. decis. 1149. num. 16. Et resolutum fuit à S. Congregatione Concilii in Eßna Translationis Ecclesiæ Parochialis 7. Decembris 1709. ubi translata Animarum Cura, & Sacramentorum administratione, quæ exercebatur in Ecclesia Parochiali S. Jacobi Loci

Loci Castri Plani, sive ob ejusdem Ecclesiæ ruinam, sive ob aliam causam ad Ecclesiam S. Sebastiani ad Communitatem dicti Loci pertinentem, & sub ortis non nullis dissentionibus inter dictam Communitatem, & Curatum, recursum habuit eadem Communitas ad Sacram Congregationem pro remotione Parochiæ ab Ecclesia S. Sebastiani, ejusque repositio ne in antiqua Parochiali S. Jacobi; disputato proindè inter cætera dubio \square An Episcopus teneatur removere Parochiam ab

Ecclesia S. Sebastiani Patronali Communitatibus, & illam reportare ad antiquam Parochialem Ecclesiam S. Jacobi \square responsum fuit \square Negativè.

Nec adversatur resolutio ejusdem Sa-
ceræ Congregationis in dicta Spoletoana Pa-
rochialitatis, quia reproposita hujusmodi
Causa die 16. Novembris 1715., me stu-
diente apud R. P. D. meum Petra, rece-
sum fuit à decisis, ac insuper definitum
quod Parochus teneatur residere in Ec-
clesia S. Bernardini.

C A N O N V.

CONCILIUM TRIDENTINUM Sess. XXII. Cap. XI.

Si quem Clericorum, vel Laicorum, quacumque is Dignitate, etiam Imperiali, aut Regali præfulgeat, in tantum malorum omnium radix cupiditas occupaverit, ut alicujus Ecclesiasticæ, seu cujusvis sacerdotalis, vel regularis Beneficii, Montium Pietatis, aliorumque piorum locorum, jurisdictiones, bona, census, ac jura etiam feudalia, & emphyteotica fructus, emolumenta, seu quascumque obventiones, quæ in ministrorum, & pauperum necessitates converti debent, per se, vel alios, vi, vel timore incusso, seu etiam per suppositas personas Clericorum, aut Laicorum, seu quacumque arte, aut quocumque quæsito colore in proprios usus convertere, illosque usurpare præsumperit, seu impedire, nè ab iis, ad quos jure pertinent, percipientur, is anathemati tamdiu subjaceat, quamdiu jurisdictiones, bona, res, jura, fructus, & redditus, quos occupaverit, vel qui ad eum quomodocumque, etiam ex donatione suppositæ personæ, pervenerint, Ecclesiæ, ejusque administratori, sive beneficiato integrè restituerit, ac deinde à Romano Pontifice absolutionem obtinuerit. Quod si ejusdem Ecclesiæ Patronus fuerit, etiam jurepatronatus, ultra prædictas penas, eo ipso privatus existat. Clericus verò, qui nefandæ fraudis, & usurpationis hujusmodi fabricator, seu consentiens fuerit, eisdem poenis subjaceat,

Pars V.

N 2

nec